

湛然居士集

惠叔居士集

湛然居士文集卷十二目次

琴道喻五十韻以勉忘憂進道

并序

彈琴逾時作解嘲以呈萬松老師

勉景賢

劉潤之館於忘憂門下作述懷詩有弟子二三同
會食誰曾開口問先生之句余感而和之

劉潤之作詩有厭琴之句因和之

懷古一百韻寄張敏之

示忘憂

并序

和金城寶宮旭公禪師三絕

再和世榮二十韻寄薛玄之

蘭仲文寄詩二十六韻勉和以謝之

又和仲文二首

用曹楨韻

怨浩然

從國才索閑閑煎茶賦

贈高善長一百韻

再賡仲祥韻寄之

寄金城士大夫

誠之索偈

遺姪淑卿香方偈

爲子鑄作詩三十韻

湛然居士文集卷十二目次終

先生文集卷十二

先生文集卷十二

先生文集卷十二

先生文集卷十二

先生文集卷十二

先生文集卷十二

先生文集卷十二

先生文集卷十二

先生文集卷十二

先生文集卷十二

湛然居士文集卷十二

元 耶律楚材 晉卿 撰

琴道喻五十韻以勉忘憂進道

并序

予幼而喜佛蓋天性也壯而涉獵佛書稍有所
得頗自矜大又癖於琴因檢閱舊譜自彈數十
曲似是而非也後見琴士弭大用悉棄舊學再
變新意方悟佛書之理未盡遂謁萬松老人旦
夕不輟叩參者且三年始蒙見許是知聖諦第
一義諦不在言傳明矣邇因忘憂學鼓琴未期
月稍成節奏又知學道之方在君子之自強耳

故作琴道喻述得旨之由勉子進道之漸云

昔我學鼓琴豪氣凌青天輕笑此小技何必師成連寶
架翻舊譜對譜尋冰絃自彈數十弄以爲無差焉有客
來勸予因舉莊生篇時君方誦書輪扁居其前釋椎而
入請何故讀殘編上古已久矣不得見聖賢遺書糟粕
餘與道雲泥懸臣年七十秋雙鬢如垂絲斲輪固小巧
巧性非方圓心手兩相應不能語子焉是知聖人道安
得形言詮至今千載開此論不可遷琴書紙上語妙趣
焉能傳不學妄穿鑿是爲誰之愆今方謁弭君服膺乃
拳拳相對授指訣初請歌水仙吟猱不踰矩節奏能平

平起伏與神會態狀如雲煙朝夕從之遊琴事得大全
小藝尙如此大道寧不然當年嗜佛書經論窮疏箋公
案助談柄賣弄猾頭禪一遇萬松師驚駭蒙策鞭委身
事灑掃掘衣且三年圓教攝萬法始覺擔板偏回視平
昔學尙未及埃涓漸能入堂奧稍稍窮高堅疑團一旦
碎桶底七入穿洪爐片雪飛石上栽白蓮佛祖立下風
俯視威音先忘憂西域時師我求真筌經今十五春進
退猶遷延望涯自退縮甘心嗟無緣將求無價寶未肯
酬一錢未啟半簣土欲酌九仞泉美玉付良工良工得
雕鐫良金不受冶徒費爐鞴聞君近好琴停燭夜不

眠彈之未期月曲調能相連君初未彈時曾不知勾鐺
學道亦如此惟患無精專誰無摩尼珠誰無般若船立
志勿猶豫叩參宜勉旃他時大徹悟沛然如決川毛端
吞巨海芥子含大千瞬息一世過生死相縈纏此生不
得覺曠劫徒悲煎吾言眞藥石療子沈疴痊

彈琴逾時作解嘲以呈萬松老師

一曲悲風歷指寒昔年曾奉萬松軒本嫌浮脆刪吟抑
爲愛軒昂變撞敦高趣釀成眞有味煩襟洗盡了無痕
禪人若道聲塵妄孤負觀音正法門

勉景賢

昨日景賢坐閒屢稱東坡真人中之龍也若慕其才而異其志採其華而棄其實又何益於事哉因作偈以勉之云

既慕東坡才當如東坡志君才如東坡其志未相似詩似東坡詩字如東坡字胡不學東坡且學長不死

劉潤之館於忘憂門下作述懷詩有弟子二三同會食誰曾開口問先生之句余感而和之

從來重士還相重到底輕人卻自輕醲廢翻然便歸去至今高尙穆先生

劉潤之作詩有厭琴之句因和之

學士既歸夫子道吾儒宜識仲尼心當年刪出詩三百
時復弦歌不廢琴

懷古一百韻寄張敬之

興亡千古事勝負一秤砣感恨空興歎悲吟乃賦詩三
皇崇道德五帝重仁慈禮廢三王謝權興五伯漓焚書
嫌孔孟峻法用高斯政出人思亂身亡國亦隨阿房修
象魏徐福覓靈芝偶語真虛禁長城信謾爲只知秦失
鹿不覺楚亡雖約法三章日恩垂四百基漢興學校啟
文作典章施黷武疲中夏窮兵攘四夷嗣君恩稍失劉
氏德難衰新室雖興難真人已御期魏吳將奮起靈獻

自荒嬉賊子權移漢奸臣鳩築郿三朝如鼎峙四海若
棼絲纔奉山陽主已生司馬師仲謀服孟德葛亮倍曹
丕惟晉成獨統平吳混八維有初終鮮克居治亂誰思
蟬鬢充蘭掖羊車遶竹岐孫謀無遠慮神器委癡兒國
事歸椒室民飢詢肉糜爲人昧菽麥聞蠶問官私衛灌
嘗幾諫何曾已預知五胡雲擾攘六代電奔馳川谷流
腥血郊原厭積屍天光分曜日地里裂瓜時歷數當歸
李驅除暫假隋西郵開鄯善東鄙討高麗鸞駕如江國
龍舟泛汴漪錦帆遮水面粉浪污河湄府藏金帛積生
靈氣力疲盜賊天下起章奏禁中欺海內空龍戰河東

有鳳姿元戎展鷹犬頡利助熊羆奉表遵朝命尊王建
義旗經營於盜手禪讓托君辭豪哲歸吾轂要荒入我
羈太宗眞令主貞觀有皇規正美開元治俄成天寶悲
曲江還故里林甫領台司裂土封三國纏頭愛八姨霓
裳猶未罷輦鼓恨來遲逆寇陵丹闕君王捨翠眉兩京
賊黨滅方鎮重權移朱李元堪歎石劉亦可嗤九州重
構亂五代荐荒饑遼宋分南北翁孫謀禮儀昔宋事遼
爲兄仍請
隨代以序昭穆至季宣和風侈靡教主德庸卑背約絕
年遼爲翁宋爲孫
鄰好興師借寇資懸知喪辱齒何事撤藩籬失地人皆
怨蒙塵悔可追遼家遵漢制孔教祖宣尼煥若文章備

康哉政事熙朝廷嚴衮冕郊廟奏埴簠校獵溫馳射行

營習正奇南州走玉帛諸國畏鞭笞天祚驕人上朝鮮

叛海涯未終三百祀不免一朝危鳴綠金朝起鴨綠江武元起

義之桑乾玉璽移金兵逼京師天祚河西狩遺傳國後遼

興大石西域統龜茲萬里威聲震百年名教垂大石林牙遼之

宗臣絜眾而亡不滿二十年克西域數十國幅員數萬里傳數主凡百餘年頗尙文教西域至今思之廟號德

宗武元平宋地殷禮雜宗姬金謂箕子之治國崇文事

拔賢尙賦詞邦昌君洛汭劉豫立青淄大定民興詠明

昌物適宜日中須景昃月滿必光虧附腋獨夫難巨墟

七廟隳北朝天輔佑南國俗瘡痍天子潛巡狩宗臣嚴

守陴山西盡荆枳河朔半豺狸食盡謀安出兵羸力不
支長圍重數匝久困再周暮太液生秋草姑蘇遊野麋
忠臣全死節餘眾入降麾文獻生三子東丹第八枝虛
名如畫餅遺業學爲箕自笑蓬垂鬢誰憐雪滿髭撫膺
長感慨搔首幾嗟咨車蓋知何處衣冠問阿誰自天明
下詔我知素通著發軔裝琴劍登車執策綬穹廬或白
黑驛騎半黃馭肥羈白如瓠瓊漿甘似飴天山連北府
天山之北唐北庭都護府在焉瀚海過西伊伊州之西北有瀚海天馬
窮渤澥神兵過月氏感恩承聖勅寄住到尋思尋思虔西城城
名西人云尋思肥也虔城也通謂之肥城案尋思于今名斜米思干有水道灌溉之利在七河之中故爲肥

城
今名糾米思干有水道舊觀之利在化利必伸國為肥
春色多紅樹秋波總綠陂西城風俗家必仲國為肥

須賒酒飲隨分有驢騎畎畝棲禾粟園林足果梨舂粳
光璨玉煮飴滑流匙聖祖方輕舉明君應樂推龍庭陳
大禮原廟獻明粢萬國朝金陛千官列玉墀求賢為輔
弼舉我忝丞疑才德真為慊願危不解持願從麋鹿性
豈戀鳳凰池投老誰為伴黃山有敏之

示忘憂 并序

余作懷古詩百韻非徒作已使世之人知成敗
之可鑑出世之人識興廢之不常也因作偈以

見意云